

- 197 об. небо и землю, и вся яже в них, мог бы и женску красоту, аще ему || годе, сотворити прекрасну. Аще бы возхотел их белости, мог бы сотворити белее снега, и аще бы тебе возведению тонцы брови, или главу округлу, мог бы сотворити выпрь чела брови окружени и тонцы яко очертани, и главу преокруглу, и аще бы восхотел всем сотворити черни очи, се бы мог прехитростне сотворити. Но якоже кто ему годе, тако сего и сотвори. Сего ради божиа творения никому же самому удобно есть претворяти, и пред богом в ненависти быти. Мнози бо жены и к церкви приходят претворяюще си зраки чрез божиа творения. Како бо бога ей о древних гресех умолити, еже и о сем прогнева, яко претворися от создания божиа своима рукама, и не яко сама прииде, но яко ина, и еше тако дерзают к пречистому комканию христова тела и крове? Аще же бы сие разсудити || не достоин сих ни в церковь приимати, нежели сим даяти пресвятое причастие яко противником богу. Знаменай убо яко аще кто от вельмож слuze своему даст ризу свою, он же шед изменив на чужду и приидет, тогда прогневається господин его, яко изменил есть ризу дарования его. Се же есть не риза, но образ божиа создания, паче же по божию образу и подобию, таковое бо хуля на божий образ хулу приносит и прехитряет божие действо — антихрист есть. Когда бо кто виде яко да супротив глаголет создание создавшему, аще и не по его образу сотворено: почто мя тако сотвори, аз претворюся само? Нещь бо сего, ни удобно есть сему быти. Нецьи же от злонравных жен глаголют, яко любве ради мужня се творят. Худ есть сей извет и полн вины, ибо божиа ли заповедь честнейши есть, или лица ея вапы? Жена бо мужеву дана бысть по заповедем божиим имети, и аще кто, несытый блудник, не восхоцет жены своя любити божиа ради заповеди, сему вап ради жены своя любити ||
- 198 об. неудобь. Аще бо восхоцет жены своя вапы любити паче божиа заповеди, сей чужь есть христанства и буди проклят. Бог сотворил ны есть на сохранение своих заповедей, а не дьяволя ради угодия, еже самого бога противитися сотворенью. Мы же паче дьяволя угодиа творим и не токмо же мирстии, но и мниси.⁶ Кийждо бо инок, егда образ приемлет, глаголет: отрицаюся мира и яже суть в мире. Сии ли бо суть отреклися яже суть в мире, иже держащи в монастыревех⁹ множество мирских слуг, цветоносных и младых юнош, и множество великих конь, и вся притяжания, яже богатым довлеет, и различная яди, и яздыху, яко же мирстии велможи, гордящяся со множеством слуг. Се ли убо есть образ первоначальных пустынножителъ, святаго архиерея и царя Мелхиседека, иже росу лизаше, и в наготе 'от зною и от мразу' сотворися хребет его яко же львина кожа, или огненоснаго пророка Илии, иже имяше едину овчину, и вдовицею и враном кормим бе, а бегаше трапезы Езавелины, или от Христа свиде⁴||тельствованнаго болшаго в рожденных женами Иоана Предтечи христова и крестителя, денницу солнечную, иже живяше под каменем, и ядый прутья былия мелагра и мед дивий, и чаша его пригорща бе и одеяние его от влас велбуж, и ничтоже от мира требоваше, токмо душа человечески приводит к богу? Помянем же и Антония великаго, и Пафомия и инех святых, что убо богатство имяста, и како яздыста ли в гордости? Мы же сего ли ради ркохом отречение мирских, яко да солгавше се, паки множество богатства стяжем, и различные яди, ркуще убо носим безплотных образ, изьядаем же многиа плоти, и ядение творяще на многоценных конех со множеством цветоносных слуг. О сем бо есть о всем возжеление и похотение от миродержителя дьяволя, иже на

6. 4 На поле по вертикали: о иноцех. 9 В ркп. мнаастыревех. 1-1 В ркп. от мразу и от зною; наверху знаки перестановки 1 и 2.